



Apoteke Sarajevo

Javna ustanova za promet lijekova, lijekovitim preparata i ostalih roba

Broj: 03-06-2288/21

Datum: 03.08.2021. godine

JU „Apoteke Sarajevo“ zaprimila je dana 29.07.2021. godine, pod brojem protokola:03-03-2272/21 žalbu na tendersku dokumentaciju broj:03-06-2037/21(dalje u tekstu: *žalba*), izjavljenu od žalitelja Grant Thornton d.o.o. Banja Luka, ul. Vase Pelagića 2/IV.

Ugovorni organ JU „Apoteke Sarajevo“ ocijenila je žalbu blagovremenom, izjavljenom od ovlaštenog lica i osnovanom, te na osnovu člana 100. stav (3) Zakona o javnim nabavkama Bosne i Hercegovine (“Sl.glasnik BiH”, br. 39/14) – u daljem tekstu: *Zakon*, generalni direktor donosi

RJEŠENJE

1. Usvaja se u cjelosti žalba, izjavljena od strane Grant Thornton d.o.o. Banja Luka, protiv Tenderske dokumentacije, broj: 03-06-2037/21 u postupku javne nabavke usluge predrevizije i revizije finansijskih izvještaja za 2021. godinu, objavljene na portalu Agencije za javne nabavke BiH dana 23.07.2021. godine.

2. Poništava se tenderska dokumentacija i postupak javne nabavke usluge predrevizije i revizije finansijskih izvještaja za 2021. godinu, Obavještenje o nabavci 806-7-2-31-3-27/21.

3. Ugovorni organ će o preduzetoj radnji poništenja Tenderske dokumentacije i postupka javne nabavke putem portala javnih nabavki obavijestiti sve potencijale ponuđače, te će ovo rješenje objaviti na web stranici Ugovornog organa.

4. Rješenje stupa na snagu danom donošenja.

Obrazloženje

Učesnik u postupku Grant Thornton d.o.o. Banja Luka, ul. Vase Pelagića 2/IV, izjavio je žalbu JU „Apoteke Sarajevo“, kao ugovornom organu, na Tendersku dokumentaciju broj:03-06-2037/21 (Obavještenje o nabavci broj 806-7-2-31-3-27/21, objavljeno dana 23.07.2021. godine na portalu Agencije za javne nabavke www.ejn.gov.ba).

Predmetna žalba na tendersku dokumentaciju, zaprimljena je na Protokolu ugovornog organa dana 29.07.2021. godine, gdje je zavedena pod brojem: 03-03-2272/21.



Apoteke Sarajevo

Javna ustanova za promet lijekova, lijekovitih preparata i ostalih roba

Žalba je izjavljena zbog povrede odredaba čl. 3. i čl. 64. st. 2 i 3 Zakona.

Ugovorni organ JU „Apoteke Sarajevo“ je, u skladu sa članom 100. stav 3. Zakona o javnim nabavkama Bosne i Hercegovine razmotrio žalbu, te utvrdio sljedeće:
Ispitujući procesne pretpostavke da bi se meritorno razmatrali žalbeni navodi utvrđeno je da je žalba blagovremena, dopuštena i izjavljena od strane ovlaštenog lica.

Žalitelj u žalbi navodi kako Ugovorni organ u Tenderskoj dokumentaciji predviđa da će se izbor najpovoljnijeg ponuđača i dodjela ugovora izvršiti na osnovu kriterija ekonomski najpovoljnije ponude gdje razrađuje pomenuti kriterij, a u kom dijelu Žalitelj smatra da su drugonavedeni i trećenavedeni potkriteriji u suprotnosti sa zakonom.

Žalitelj traži da se žalba usvoji kao osnovana u potpunosti i da se Tenderska dokumentacija u predmetnom postupku javne nabavke poništi.

Utvrdivši da je žalba osnovana, blagovremena, dopuštena i izjavljena od strane ovlaštenog lica Ugovorni organ odlučio je kao u dispozitivu ovog rješenja.

Pouka o pravnom lijeku: Protiv ovog rješenja može se izjaviti žalba Uredu za razmatranje žalbi, putem ugovornog organa, u roku od 5 (pet) dana od dana prijema Rješenja.

JU „APOTEKE SARAJEVO“

Nedim Hrelja, mr. ph. MBA

Generalni direktor

.....
Za Nedim Hrelja

Dostaviti:

- Žalitelju
- Učesnicima postupka putem www.ejn.gov.ba
- www.apoteke-sarajevo.ba
- a/a